

古今醫酉學捷要六書

五



醫學捷要六書二十四方序

醫學捷要六書二十四方序

醫始於神農嘗百草以甘辛酸鹹苦五
味療民疾虛實補瀉之宜黃帝著素問
內經脉候病機治法甚加詳密伊尹著
湯液膏醴為治病之方三聖人者所以
補天地造化之功救生民司命之主迨
此以下代有諸賢輩出衍三聖人之義



而方書叢出數千百家汗牛充棟觀者
如望海之茫然方愈多而治愈舛何也
即一門一證群方百種益浩繁無約
顧無隅萬逕千蹊莫知所適正如百戲
場中獻奇聞巧八面而雜彰覩之者眩
目惑心和其光同其塵恍兮惚兮莫能
辨其妍媸美惡之真矣而欲活人之司

命濟人於疾苦得乎湯液本草大約十
劑簡而易知易而易從余不自揣而益
之為二十四方俾初學及鄉村僻野所
乏明醫藉此而推求之或亦少為行遠
升高之一助云爾

新安徐春甫序

二十四方引

有客曰古人治病不過七方十劑盡矣
七方者大小緩急奇偶復是也十劑者
宣通補寫輕重滑澀燥熱是也夫人雖
有百病大槩不出十七字之治以治之
罔不該矣善醫善治者其有餘乎孟子
以仁政二字而天下無不治醫其能用

十七法則百病無不痊何後世之千方
百法徒為繁雜而無約擇焉汗漫而不
精治病茫然而罔効其亦未厖祖十七
字而為方法乎予曰然二十四劑又復
為疣症誠以五十步笑百步客曰子之
二十四方即十柴字磋磨而成之者其
亦發前人之秘豈可以疣症自負請壽

梓以俟博雅可乎



新鐫古今醫學捷要六書卷之五

韓山先生集



晦集

明東皋徐春甫著

後學男良名校正

太學生孫本誠校書

同郡門人汪騰蛟點板

二十四方目

四方為綱四時大意

四方○參蘓飲○五苓散○正氣散○十神湯是也大都

四時之氣逆之則乖順之則和○春時違和主以參蘓飲



加味而調之○夏時違和主以五苓散加味而清之○秋
時違和主以正氣散加味而解之○冬時違和主以十神
湯加味而發之○此其大綱大意而調和之者也○至於病機
迥易則有二十四方對證而施其治○諸凡表裏虛實斷不
出此二十四字法之外也

二十四方隨機應變

二十四方古之十劑再加十四劑而成者也○古十劑為大
約○河間十八方約而未盡○約俗十三方無乃太約乎○余今
合三家而約之○其庶幾乎約以該博○學者由此而擴充之○

或有以勝其用也

則合一年二十四氣

五日為一候三候為一氣一年有二十四氣二十四方之義以象之也

約法庶幾以該博義

方書浩瀚渙散不淪學者苟無約法則如墜海之茫然何可而登彼岸也正如禪說業海無邊回頭是岸誠捷約之玄妙者也茲製二十四方博而約之雖不能盡其精微之妙或庶幾乎小有補云

二十四劑歌

十劑宣通補寫

輕重滑澀燥濕

調和解利寒溫

水火平奪二十

加之安緩淡清

大法不過念四

庶幾蒙引之端

小學入門之意

第一

宣劑

宣吐也
升散也

宣可以去壅姜橘之屬是也壅鬱不散宜劑

以散之主以參蘼飲六鬱湯五積散之類

第二



通劑

通行也
利也

通可以去滯木通防已之屬是也留滯不

宜通劑以行之主以疎鑿飲子之類

第三

補劑

補補
虛也

補可以去虛人參羊肉之屬是也虛弱不足宜

補劑以實之主以四君子湯補中益氣湯十全大補湯斑

龍百補丸之類

第四

瀉劑

瀉瀉實
也下也

瀉可以去閉葶藶大黃之屬是也閉結內實

宜瀉劑以下之主以大承氣湯調胃承氣湯小承氣湯桃



仁承氣湯之類

○第五

輕劑

也輕揚

輕可以去實麻黃葛根之屬是也實則氣壅滯

輕劑以揚之主以升麻葛根湯之類

○第六

重劑

重鎮也

重可以去怯磁石鐵漿之屬是也怯則氣浮宜

重劑以鎮之主以黑錫丹之類

○第七

滑劑

也滑利

滑可以去著冬葵子榆白皮之屬是也澁則氣

着宜滑劑以利之主以道滯通出湯加葵子榆皮之類

○第八

澁劑

澁收澁也

澁可以去脫牡蠣龍骨之屬是也滑則氣脫宜

澁劑以收之主以金鎖匙丹之類

○第九

燥劑

燥以除其溫也

燥可以去溫桑白皮赤小豆之屬是也濕則

為腫宜燥劑以除之主以除濕湯加桑皮赤豆羌活防風

之類

○第十



溫劑

溫以潤其燥也溫可以去枯白石英紫石英之屬是也枯則

氣燥宜溫劑以潤之主以潤燥湯加紫石英之類

○第十一

調劑

調令其調達平和也病不甚有和氣在外感輕微在內傷頗傳

大攻大補之劑蓋未敢用宜中劑以調之主以正氣散之

類

○第十二

和劑

和平治也微解其外清調其中亦如調劑之平和如病在

半表半裏主以小柴胡湯之類是也



第十三

解劑

散也

表證感寒非若傷寒之甚者解以十神湯之類

是也

第十四

利劑

利分利也通之微也

如熱在下焦薤瀉滯膀胱小水不清利以天

水散之類是也

第十五

寒劑

寒以退其熱也

經去熱者寒之又曰寒因熱用清上降火寒

以涼膈散之類是也

○第十六

溫劑

溫以拒寒
冷其中也

中虛寒厥冷腹痛惡寒飲食不化溫以理

中湯之類是也

第十七

清劑

清而解
利也

熱伏在中長夏形寒飲冷抑遏暑氣在內而

反汗出身熱清以白虎湯之類是也

第十八

火劑

熱因寒
用也

積熱太深汗瀉不止內熱不除宜用黃連解

毒湯之類是也